

Inatsisartut Suleriaasianni § 36 malillugu apeqquteqaat aallaavigalugu oqallinnissamik imaattumik siunnersuuteqarpunga:

**Kalaallit Nunaanni immap naasuinik pitsaanerusumik tunisassiornissaq anguniarlugu, kiisalu annertunerusumik pisuussutit atorluarneqarnissaat pitsaanerusumillu periarfissiuuniarlugit apeqquteqaat aallaavigalugu oqallisissiatut siunnersuut.**

(Inatsisartunut ilaasortaq Jens Napâtôk', Partii Naleraq)

Ukiuni kingullerni inuussutissarsiornikkut nutaaliortumik pilersitsisoqaraluarpoq Kalaallit Nunaata aningaasarsiorneranut namminiileriartornissamut aqqaasussamik. Immap naasuinik iluaquteqarnermik aallaavilik. Ullumikkulli immikkut aaqqissuussisimangilagut immap naasuisa atorluarnissaannik.

Immap naasui avammut niuerutigissallugit atorluarneqangitsut ilagaat. Nalunaarusiaq aallaavigalugu FAO<sup>1</sup>, FN-ip immap naasuinik niueruteqarnermi ineriartortitsivianiit 2016-imi oqaatigineqarpoq nunarsuaq tamakkerlugu 6. mia U.S. dollars-inik naleqartut imatut oqaatigalugu 43 mia. koruuniullutik naleqartut maannakkut aammalu ilimagineqarluni immap naasui piumaneqarnerisa qaffakkiartuinnarnissaat ukiumut procentinngorlugu 10-iulluni<sup>2</sup>.

Pilersitsisoqaraluarneralu uniinnarpoq. Pilersitsisut sinaakkutissanik, aporfinnik aammalu akerlerineqarlutik akuersaarneqarsinnaangitsumik naammattuinerne kingornatigut. Tamanna avatangiisitsinniit pissuteqangilaq atorfilittalli aalajangersimasunik sinaakkutinik pissuteqartumik. Tassalu uagut innuttaasut sinnerlugit issiasuniit. Kalaallit Nunaanni immap naasuinik nioqqutissiorneq suliffeqarfimmik Maki Seaweed Greenland-imiit matusinermini oqaasertalersimavaa:

---

<sup>1</sup> Food And Agriculture Organization, United Nations (Forenede Nationer)

<sup>2</sup> Kapitel 5, qup. 69 – FAO. 2018. *The global status of seaweed production, trade and utilization, Globefish Research Research Programme Volume 124. Rome. 120pp. License: CC BY-NC-SA 3.0 IGO. Food and Agriculture Organization of the United Nations, Rome 2018*

*“Illumik attartukkamik isumaqatigiissutip atorunnaarnera iluatsillugu taamatullu piorsaaniarnermi pisorta qarfinniit aporfissalersuinerujussuaq tunisassiorunnaarnermi peqqutaqaataalluinnarput.”<sup>3</sup>*

Inuiaqatigiittut qanoq ililluta takusinnaasimassanngilarput periarfissarujussuaq annertoq sivisuumik ingerlanneqarsinnaasoq aammalu angallanneqarsinnaanerat eqqarsaatigalugu ajornanngitsorarsuaq, naak sineriallu tamaat atorlugu tunisassiorsinnaasimagaluarluta.

Ulloq manna tikillugu inuiaqatigiit pisuussutit pisariaqartitaat aammalu sinaakutissat pitsaasut pilersissimangilagut, periarfissat taamatut ittut periarfissimagaluarutsigit tunisassiorneq aammalu nunanut allanut niuerutiginerat annertoorujussuussagaluarpoq, taamaalillutalu inuiaqatigiit aningaasaqarnerat inuussutissarsiornikkut periarfississimassagaluarparput.

Susoqartoruna? Qanoq ililluta inuiaqatigiittut tamakku pisuussutit atoqquneqarlutik uninngaannartut atussanngilagut, taamaalillutalu nunatsinnut isertitatigut periarfissaq uninngatiinnarlutigu. Partii Naleqqamiit tamanna nalornissutigiginagu pisuussutit pigisavut atorluartariaqarpavut taamaalillutalu isertitassanik nutaarluinnarnik pilersitsisissalluta.

Taamaattumik inersuarmitunut aperissaanga inuiaqatigiit pisuussutitsinnik atuisinnaanitsinnik aningaasaliissuteqassalluta uani immap naasuinik annertuumik atorluanaanissatsinnik periarfissiissanngilagut?

---

<sup>3</sup> <https://knr.gl/kl/nutaarsiassat/maki-seaweed-greenland-tunisassiorunnaarpog>